

〔日本書紀崇峻〕二年明○用七月物部守屋大連資人捕鳥部萬名將一百人守難波宅而聞大連滅騎馬夜逃

〔日本書紀持統〕天淳中原瀛真人天皇天武○朱鳥元年十月己巳皇子大津謀反發覺逮捕皇子大津併捕中帳內礪杵道作等三十餘人

十年十月庚寅假賜正廣參位右大臣丹比真人資人一百二十人正廣肆大納言阿倍朝臣御主人大伴宿禰御行並八十人直廣壹石上朝臣麻呂直廣貳藤原朝臣不比等並五十人

制度

〔令義解軍防〕凡給帳內一品一百六十人二品一百卅人三品一百廿人四品一百人資人一位一百人二位八十人三位六十人正四位卅人從四位卅五人正五位廿五人從五位廿人女減半減數不等從多給謂假如五位資人廿五人減半其太政大臣三百人左右大臣二百人大納言一百人謂若致仕者准此言亦

〔通典三十五〕大唐有親事帳內六品七品子為親事八品九品子為帳內凡王公以下及文武職事三品以上帶勳官者則給之

〔令義解四〕凡嬪以上並依品位給封祿謂欲顯不減半故云依品位其封祿是重優令准男資人位田灼然不減

〔延喜式十八〕凡嬪以上位分資人不在減限中凡中宮春宮舍人及三色資人等待考帳放出

〔享祿本類聚三代格〕勅旨依官員令大納言四人職掌既比大臣官位亦超諸卿朕念之任重事密充員難滿宜廢省二員為定兩個更置中納言三人以補大納言不足其職掌敷奏宣旨待問參議其官位料祿准令商量施行奉勅如前件朝議商量今加件官掌近大納言事關機密其官位料祿不可便輕請其位擬正四位上官別封二百戶資人卅口給

慶雲二年四月十七日